



**Timersorneq pillugu inatsimmi e-sport timi atorlugu timersuutitut allatuulli akuerisaanissaa pillugu  
Naalackersuisut Inatsimmut allannguutissatut siunnersuuteqaqqullugit peqquneqarnissaannik  
Inatsisartut aalajangiiffissaattut siunnersuut.**

(Atassutip Inatsisartuni ilaasortaataitai)

(Siullermeerneqarnera)

Atassummut qujavugut taamatut siunnersuuteqarnerannut, siunnersuuteqarnerisalu pissutissaqalersippaanga Demokraatit tassunga isumaat annisissallugu.

90-sikkut ingerlanerannili qarasaasiat, pinnguaatit internettilu sukkaasoorujussuarmik ineriartorsimapput. Pinnguaatinik atuineq annertusisimaqaaq, inuit naapittarfiliussimallugu nunat killeqarfii akimorlugit. Aammalu kingunerisimallugu, ullutsinni meeqqat inuusuttullu pissusissamisuuinnartumik ulluinnarminni tuluit oqaasiinik atuilernerannik, aammalu pissusissamisuuinnartumik qarasaasiamik atuilernerannik. Tamanna ajunngilluinnarpoq.

E-sport unitsitassaajunnaarluni atorineqarpoq, qularnanngitsumillu ukiuni tulliuuttuni annertusingaluttuinnassalluni. Timersornermik tassanga atuisut pikkorinnerpaat nuannaartorineqalutik millionærersuannortussat, qallunaammi Astralis assersuutissaqqitsialaapput.

E-sportili timi atorlugu timersuutit assigalugit timersuutitut akuerineqassava, soorlu uani Atassummit siunnersuutigineqartutut?

Timersorneq pillugu inatsimmi maannakkut atuuttumi ersarissumik nassuiarneqarpoq, timersorneq sunaanersoq. Timersorneq tassaavoq timi atorlugu aalaneq, timigissarniarluni peqqissarniarlunilu ingerlanneqartartoq. Ersarilluinnarpoq, e-sport taakkununga ilaasinnaangitsoq.

Naalackersuisut e-sportimik ingerlatsisut nuna tamakkerlugu peqatigiiffiliornissaminnut imaluunniit kattuffiliornissaminnut periarfissaqarput taakkulu aqputigalugit tapiiffigineqarnissaminnut periarfissaqarlutik takuuk Aningaasanoorutit ilaannit aningaasanik agguassisarneq pillugu tapeeriaatsit, tapiiffigineqarnissamut piunasaqaatit il.il. pillugit Namminersorlutik Oqartussat nalunaarutaat nr. 2 26. januar 2015-imeersoq.

Imaalluinnarporli, nunarsuarmi ineriartortoqartuarmat, pingaartuummallu, nunarsuup ineriartorneranut peqataanissarput. Taamaattumik isumaliuutingilluinnarqissaartariaqarput e-sport timersuutitut ingisineqarsinnaanera ammaffingissanerlungu.

Siunnersuut taamatut paasillugu Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliarineqarnissaanut innersuunneqarpoq.